

### **Isolni Pilakkon Ong'atani Katta**

**1** Chengon Isol sal, ja aro askirangko ong'aton,<sup>2</sup> a'gilsak bimang gripittichim. Sagalni kosako andala aro chini kosako Isolni gisik ganggope dongengachim<sup>3</sup> Unon Isol ge'ete inaha. "Seṅ'a ong'china," unon senga ong'aha.<sup>4</sup> Ua seng'ako name nikaha. Isol seng'ako andalaoniko dingtangataha.<sup>5</sup> Ua seng'aniko 'Sal' aro andalaniko 'Wal' mingaha. Attam aro pring ong'ahaoa, salsa ong'aha. Uan skanggipa sal ong'achim.

6 Isol ge'ete inaha, "Chini jatchio bak ong'china aro chiko bak gni dakchina."<sup>7</sup> Indaken Isol jatchiko bak dake donaha; ua kosako donggipa chioniko ning'o donggipa chiko dingtangataha.<sup>8</sup> Isol uko "Sagal" mingaha. Attam aro pring ong'ahaoa, gnigipa sal ong'aha.

9 Isol ge'ete inaha, "Salgini ning'o donggipa chiko biapsano chimongchina; jedakode a'ga nakatgen". Aro uandaken ong'aha,<sup>10</sup> Ua a'gako "A'a" aro chimonggimin chiko "Sagal" mingaha. Ua antangni dakgiminko nioa, name nikaha.

11 Isol ge'ete inaha, "A'a pilak bite nanggipa aro bitchri gnanggipa sam-bolrangko chaatchina," aro uandaken ong'aha.<sup>12</sup> Uandaken a'a pilak ma'malni bite nanggipa aro bitchri gnanggipa sam-bolrangko chaataha. Isol antangni dakgiminko nioa, name nikaha.<sup>13</sup> Attam aro pring ong'ahaoa, gittamgipa sal ong'aha.

14 Isol ge'ete inaha, "saloniko walko dingtangatna salgio teng-sugiparang ong'china; uarang salrangko, bilsirangko aro karirangko mesokanina ong china"<sup>15</sup> Uarang a'ao

seng'aniko on'na salgio teng-suchina;" aro uandaken ong'aha.

<sup>16</sup> Isol dal'dalgipa ronggni teng-sugiparangko ong'ataha, salko salni aro jajongko walni kosako donaha; ua askirangkoba ong'ataha.

<sup>17</sup> Asakko sengatchina ua teng'sugiparangko salgio donaha;

<sup>18</sup> seng'ako andalaoniko dingtangatna aro sal aro walko ong'atna ua uarangko ong'ataha. Ua antangni dakgiminko nioa, name nikaha.

<sup>19</sup> Attam aro pring ong'ahaoa, brigipa sal ong'aha.

20 Isol ge'ete inaha, "Chio bang-bea ma'malni janggi gnanggiparang ong'china, aro do'drang bangbangko bilchina;" aro uandaken ong'aha.<sup>21</sup> Isol sagalo dal'dalgipa na'tokrangko, chio donggipa pilak ma'malni janggi gnanggiparangko aro pilak ma'malni do'drangko ong'ataha. Antangni dakgiminko nioa, name nikaha.

<sup>22</sup> Isol uarang pilakknan pattiha; "Chio donggipa janggi gnanggiparang jelbra jelsue sagalko gapatchina; aro do'drang jelroroe bang'bechina."<sup>23</sup> Attam aro pring ong'ahaoa, bongagipa sal ong'aha.

24 Isol ge'ete inaha, "A'a pilak ma'mal jilani matrangko aro pilak ma'malni dal'a aro chona matburingrangko ong'katatchina;" aro uandaken ong'aha.<sup>25</sup> Indaken Isol pilak ma'mal jilani matrangko aro pilak ma'malni dal'a aro chona matburingrangko ong'ataha. Ua antangni dakgiminko nioa, name nikaha.

26 Isol aganaha, "Da'o an'ching mandeko dakgen; uamangko an'chingni jagringo dakgen aro

1.3; 2 Kor.4.6; 1.6-8; 2 Pit.3.5; 1.26; 1 Kor.11.7;

uamang an:ching gitan ong:gen. Uamang pilak natokrangni, dal:a chona jila-alanirangni, do:drangni aro matburingrangni kosako bilko man:gen." <sup>27</sup> Uandaken Isol mandeko ong:ataha; Isol ant:tangni jagringon mandeko dakaha. Ua me:asa aro me:chikko dakaha <sup>28</sup> aro uamangna pattie inaha, "Bang:bea dedrangko ba:bo, jedakode na:simangni deritchu-suritchurang a:sakni pilak biaprangon jélbra-jelsugen aro pilakkon bamatgen. Anga na:tokrangni, do:drangni aro pilak dal:a-chona matburingrangni kosako na:simangna bilko on:a." <sup>29</sup> Anga na:simangna pilak bitchrirangko aro biterangko cha:china on:a. <sup>30</sup> Indiba pilak dal:gipa aro chongipa matburingrangna aro pilak do:drangna sam-bolrangko uarangni cha:anina anga on:a;" arò uandaken ong:aha. <sup>31</sup> Isol ant:tangni pilak dakgiminko nioa nambee nikaha. Attam aro pring ong:ahaoa dokgipa sal ong:aha.

**2** Da:o a:a, salgi aro uarango donggipa pilakkon daka matchotaha. <sup>2</sup> Isol ant:tangni pilak kamko matchote, snigipa salo neng:takaha. <sup>3</sup> Snigipa salko ua pattiha aro uko dingtangmanchagipa sal dakaha; maina ua salo ant:tangni pilak kamko. matchote ua neng:takaha. <sup>4</sup> Uandaken a:ako aro salgio donggipa pilakkon ong:ataha.

### Eden Bari

5 GITEL Isol salgisak aro agilsakko dakon a:sako sambolrang dongjachim aro bitchilrang chajachim; maina ua a:gilsako

mikkako waatkujachim aro a:ako gamna pilakba dongkujachim. <sup>6</sup> Mikka dongkujaoba, chi a:aoni chadoe a:gilsakko sosiatachim.

7 Unon GITEL Isol a:ani adimuko rae, uoniko mandekó dakaha. Ua baljanggiko uni gingkolo spoataha; unon mande janggi gnanggipa ong:aha.

8 GITEL Isol salaramchi Edeno damsia bariko dakaha. Ua ant:tangni dakgimin mandeko uano donaha.

<sup>9</sup> Nitogipa aro nama biteko nanggipa pilak bolrangko uano chaataha. Barini jatchio janggiko on:gipa bol aro na:fna-namgijako uianiko on:gipa bol gnangchim.

10 Bariko sosiata Edeno chibima dilsa dongachim; ua dilbri dake dingtang chibimarang ong:e, uoni jokanga. <sup>11</sup> Skanggipa chibimako Pison minga; ua Havila a:song gimikko jokwilwila. <sup>12</sup> Uano namgipa sonako, similgipa toko aro gitchakgipa ripok do:katchikoba man:achim. <sup>13</sup> Gnigipa chibimako Gihon minga; ua Kus a:songko jokwilwila. <sup>14</sup> Gittamgipa chibimara Tigris ong:a; ua Assyriani salaramchi jokanga. Brigipa chibimara Euphrates ong:a.

15 GITEL Isol manndeko rime, Eden Bariko gamchina aro nitimchina uano donaha. <sup>16-17</sup> Ua mandena aganaha, "Na:a bario donggipa nama namgijako uianiko on:gipa bolni bitena agre bolantini bitekon cha:na man:a. Ua bolni biteko na:a cha:na nangchong:motja. Na:a cha:ode unsalon sigen."

18 Unon GITEL Isol aganaha, "Mande saksan dongara nama ong:ja. Anga una dakchakgipa ripengko dakgen." <sup>19</sup> Unon ua a:aoniko

1.27;; Mt.19.4; Mk 10.6; 2.2; Heb.4.4,10; 2.2-3; Re:on:g. 20.11; 2.7; 1 Kor.15.45;  
2.9; Par.2.7; 22.2,14;

a·dimuko rae pilak matlangko aro pilak do·drangko dakaha. Uarangko mande mai minggenchim nina Isol uona ra·baaha. Mandeni mingga gitan, uarangni biming ong·aha.  
<sup>20</sup> Uandaken mande pilak jilani matrangko, do·drangko aro matburinrangko biming donaha. Indiba una dakchakgipa ripeng dongkujachim.

21 Unon GITEL Isol mandeko namen tusidapataha. Ua tusibeengon, ua mandeni guasu ge·sako saloke be·enko dapataha. <sup>22</sup> Isol Mandeoniko salokgimin guasuoniko me·chik saksako dake, uona ra·baaha. <sup>23</sup> Unon mande aganaha,

"Da·ode iara anggitan,  
 Angni grengni greng aro  
 be·enni beten."

Uni biming 'me' chik. ong·gen;  
 Maina uko 'me' asaoniko ra·aha."

24 Iani giminan mande an·tangni ma·ako aro paako wate, jikgipamung ma·gapa aro uamang be·ensan ong·a.  
<sup>25</sup> Uamang sakgnian nagandechim, indiba uamang kratcha·jachim.

### Mandeni Ga·aka

**3** GITEL Isolni dakgimin mat·buringrangi gisepo chipuan chalakbatgipa ongachim. Chipu me·chikko sing·aha, "Ia bario donggipa pilak bolni bitekoba cha·jachina Isola na·simangna aganbebeahama?"

2-3 Me·chik aganchakaha, "Barini jatchio donggipa bolni bitena agre, chinga·je bolni bitekoba cha·na man·a. Ua bolni bitekode cha·na nangja, ba bolkomangba dangtapna nangja; uko cha·ode, chinga·sigen ine Isol aganaha."

4 Chipu aganchakaha, "Iade bebe

2.24; Mt.19.5; Mk.10.7-8; 1 Kor. 6.16; Eph 5.31;  
 3.13; 2 Kor.11.3; 1 Tim.2.14; 3.15; Par.12.17;

ong·ja; narsimang sijawa; <sup>5</sup> Isol indake aganaha, maina uko cha·arion na·simang Isol gita ong·gen, aro na·simang nama aro namgijako uigen."

6 Unon me·chik, ua bola nitobegipa ong·a aro uni biteba nama ine nikaha aro gisik gnanggipa ong·ara mairongpile nama ine chanchiaha. Uni gimin ua uni biteko ake cha·aha. Ua mitamko segipana ona·aha aro uaba cha·aha. <sup>7</sup> Uamang uko cha·arion mikaoaha aro antangtangni nagandeako uiaha; unon uamang te·bil bijakrangko sikritchue antangtangni nagandeoniko pindapha.

8 Attam ongo·oa uamang bario GITEL Isolni ja·birangko knaaha aro uamang bolrangni gisepo dongnuaha. <sup>9</sup> Indiba GITEL Isol mandeko okame inaha, "Na·ara bao?" <sup>10</sup> Mande aganchakaha, "Anga bario nang·ni ja·birangko knaaha aro anga nang·na kene dongnuaha; maina anga nagandechim."

11 Isol sing·aha, "Na·a nagande ine sawa nang·na aganaha? Angni cha·jachina agangipa bolni biteko na·a cha·ahama?"

12 Mande aganchakaha, "Je me·chikko na·a angbaksi donaha, uan ia bolni biteko cha·china angna on·aha aro angaba cha·aha."

13 GITEL Isol me·chikko sing·aha, "Na·a maina indake dakaha?" Ua aganchakaha, "Uko cha·china chipu angko tol·napaha."

14 Unon GITEL Isol chipuna aganaha, "Iani gimin na·a saknaatako man·gen; nangosan ia sao nang·china; da·ontal na·a ka·bakchi malgen, a·dimuan nang·ni cha·ani ong·gen. <sup>15</sup> Nang·ko aro me·chikko

3.1; Par.12.9; 20.2;

anga mitchigrikatgen; nang·ni aro uni dedrang bobil ong·grikgen. Uni dedrang nang·ni skoko bnekatgen; na'a uamangni ja·pa kitikko sugen."

16 Ua me·chikna aganaha, "Anga nang·ni an·o keani dukrangko, an·pakani saknaarangko bariatgen; iñdioba na'a segipako nangnikkugen; ua nang·ni kosako gitel ong·gen."

17 Ua me·asana aganaha, "Na·a jiktangni kattako knachakaha; jeko anga cha·jachina aganachim, ua bolni biteko na·a cha·ahā. Na·a iako dakahana, a·a sao man·china. Janggi tanga dipet na·a kam ka·gen; indakesa chu·onga gita cha·aniko man·gen.<sup>18</sup> Bu·su aro budurangko a·a chaatgen; na·a a·bani samsiko cha·gen;<sup>19</sup> Je a·aoniko nang·ko dakaha, uona pil·kujana, na·a ding·ol·gramchie, rakbee game·suesa, a·aoniko cha·aniko bikotna man·aigen. A·dimuoniko nang·ko dakaha, a·dimuan na·a pil·anggen."

20 Mande antangni jikgipako Hoba mingaha; maina uan mande jat gimikni ma·a ong·achim.<sup>21</sup> GITEL Isol Adamna aro uni jikgipana matbigiloniko ba·rarangko dake, uamangko ganataha.

### **Adam Aro Hobako Barioniko**

#### **A·rikgala**

22 Unon GITEL Isol aganaha, "Da·ode' mande an·chingoni saksa gita ong·aha; maina nama aro namgijako ua uiaha. Boljanggini biteko cha·e pangnajol tangna uko on·na nangchong·motja."<sup>23</sup> Uni gimin GITEL Isol uko Eden barioniko a·rikgalataha; aro jeoniko uko dakaha, ua a·ako gamchinan uko watataha.<sup>24</sup> Isol mandeko arikatenba, Eden barini salaramchi

Kerubrangko aro pilakchin rikrak rikrak wilwilgipa aro ching·gipa tonualko donaha. Boljanggini sambaona pilakba re·bajana gita indake dakaha.

### **Kain Aro Abel**

3.17-18; Heb.6.8; 3.22; Par.22.14; 4.4; Heb.11  
4.10; Heb.12.24;

**THE HOLY BIBLE**  
*Garo (Achik) CL - Inter - Confessional*  
10F 0024/92-93/3.5M/HB  
ISBN 81-221-2956-0

This version of the Bible has been prepared jointly by Protestant and Roman Catholic translators of Garo Hills, under the supervision of the Bible society of India.

© The Bible Society of India

**COPYRIGHT NOTICE**

*Written permission must be obtained from the Bible Society of India as copyright holder, prior to the reproduction of any part of this publication in any form or by any means, electronic or mechanical, including photocopying, recording, or any information storage and retrieval system.*

*Published by:*

*Imprimatur:*

† Rt. Rev. George Maramassery  
Bishop of Tura.

**THE BIBLE SOCIETY OF INDIA**  
**206 MAHATMA GANDHI ROAD**  
**BANGALORE-560 001**

Printed in India by Photo offset process at  
Swapna Printing works pvt. Ltd. Calcutta-9



**THE BIBLE SOCIETY OF INDIA**  
**206 Mahatma Gandhi Road**  
**Bangalore - 560 001.**